



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

科金
文抄

卯
歲
豐
十
一
年
八
月
何
紹
基
篆

耐菴文存

皇清故兵部尚書雲貴總督善化賀公傳

湘潭羅汝懷

公諱長齡字耦庚晚自號耐庵又號聶缺叟姓賀氏系
出唐秘書監知章祕監居山陰會稽開子孫多隸浙之
甯波府定海縣康熙二十六年分定海為鎮海定海二
縣公之先隸籍鎮海自祕監二十五傳有諱宏聲者是
為公高祖以雍正六年任湖南按察司司獄子孫遂占
籍善化司獄仁厚惠囚於衣糧厚於常格囚感甚為位
以祀於獄曾祖諱士英祖諱國華皆早世妣皆節孝膺
旌典考諱啓曾性方嚴居恆不妄語笑子弟侍奉凜然
無敢咳唾祖父兩世皆習法家言佐郡邑治三世竝贈
如公官贈公舉丈夫子八人公次居第五生而岐嶷如
成人弱不好弄讀不釋卷年十六應童子試輒冠其曹
明年辛酉補學官弟子又二年居贈公憂歲丙寅入獄
麓書院從羅鴻臚典受業明年舉本省鄉試第一聯捷
成進士改庶吉士是為嘉慶十三年次年散館授編修
旋充康年科廣西鄉試副考官二十一年
簡放山西學政二十五年保送御史引
見記名旋轉左春坊左贊善中開展充文穎館協修本
衙門撰文文淵閣校理

明

日講起居注官當是時公以文學侍從之臣迴翔
禁近殆將一紀而

特達之知從此始矣道光元年四月出爲江西南昌府
知府故事首郡由大吏揀調公蒞茲任蓋出

特簡二年七月擢山東兗沂曹濟道四年四月署山東

按察使閏七月擢廣西按察使旋調江蘇按察使五年

四月擢江蘇布政使六年十二月調山東布政使七年

四月自江蘇入

覲

上曰汝聲名甚好今調山東非因汝曾任山東實因地

利誘京師

二

方難治也五月赴任未幾

命護巡撫八年八月調江甯布政使九年十月丁母憂

太夫人憂回籍終喪以心疾請假調治十五年四月奉

旨飭來京聽候簡用八月授福建布政使十六年正月

調直隸布政使旋擢貴州巡撫五月

陞見七月抵任二十五年五月擢雲貴總督二十六年

降補河南布政使踰年春病免歸里復以雲南回案落

職二十八年六月六日薨於里第春秋六十有四公前

後所歷官及顯晦升沈蓋如此公資性沈毅學問純正

故能敢言敢爲肩任宏鉅道光四年大風壞高堰清口

水涇

詔羣臣議海運協揆英和公連疏稱便而事涉艱始節

目繁重悉以爲難公執議謂海運之事其所利者有三

國計民生海商也所不利之人有三海關稅餉天津倉

胥屯弁運丁也三者之人所挾海爲難使人不敢行者

亦有三風濤也盜賊也霉溼也所離海爲難使人不能

行者亦有三商船雇價也倉胥勒索也漕丁安置也必

洞悉夫海之情形與人之情僞且權衡時勢之緩急而

後知事有必行某宵旦討論寢食籌度徵之屬吏質之

濱洋人士諷之海客畸民眾難解散愈推愈審更無疑

耐菴文集

三

義說具復魏制軍書復爲圖說上之太吏於是江督某

公蘇撫安化陶公協力行之公乃擇諸悉洋面商人使

雇覓沙船一千五百餘號裝兌蘇藩所屬四府州額

漕正耗米一百六十三萬三千餘石由吳淞出崇明余

山北放大洋趨成山轉之采以達天津水程四千餘里

往來不爽時日昔元代初行海運造平底海船六十艘

運米四萬六千石其後船歲增造費且無算明王宗沐

以海道不熟失風驚遊門而罷固其時海道未通又無

沙船之利亦講求不能如此之精也

成皇帝嘗詢江蘇何務最難對曰漕務因陳辦漕之難

上曰聞挑河頗認真何以回空之船如此遲滯公奏減
璫本不宜開傾天下之財不能挑河故從古無挑法今
挑辦亦不得法而合龍又非其時向來合龍在冬令冬
水力能搜根離大汛尙遠故合後得安穩無事
上問江南官吏優劣奏言大抵循分供職者多實心辦
事者少又言用人之難人才多格於例求

朝廷不拘成格道光中大學士寶興奏請嚴禁奸商錢
票公議覆略曰政在便民道崇簡易錢質繁重難以致
遠票則無須運載而可交易遠方錢有良惡數易混淆
票則無庸揀數無宵小盜竊之虞水火沈失之患三利

卷之存

卷

傳

四

可徵應請一仍其舊又饒署嚴基漏卮奏曰論罪必責
衡情吸食鴉片之人徒以自戕軀命耳而與殺人同科
母乃過當且科條愈重則勾結愈密摘發愈難矣某御
史奏請查禁漢奸盤剝苗民

詔公議覆奏曰苗疆自前撫臣高鴻燾查辦保甲之後盤
剝准折等弊均經奏明飭禁但須實力奉行無須更設
科條原奏謂流民漸少今殊不然自臣履任以來興義
各屬已無不墾之山而客民仍多趨之者則以興義地
賤也然地多煙瘴新徙之民輒多死亡故地不加廣會
無人滿之患言者乃謂客民獲利甚豐半皆廣田畝而

峻牆宇毋乃偶見一二遂以概之千百若使目擊流民
之苦必不忍爲是言也黔不產鹽布帛又貴類皆挹注
於他省苗民借居巖洞所饒者雜糧材木耳非得客民
與之交易則日用無資所有亦莫之售脫且苗民務耕
作而不知貿易客民耐勞而儉用多就穀賤之地爲家
是未嘗不兩相資益若謂紛華靡麗皆由客民導之以
至窮乏則漢人中昔稱富戶今爲貧民者又將誰咎盈
虛消息物理之常即無客民固不能保苗民之常富也
而臣細察漢苗情形則更有數端一則苗民實爲漢民
害一則苗民自爲害一則土目土司之爲苗民害一則

苗民之爲土目土司害洞悉隱結續折條分而要以釐
剔之餘漸移習染庶幾革薄從忠憲御史田潤奏請團
練鄉兵已爲璧昌劉韻珂梁寶常諸臺吏先後奏駁公
是時撫黔亦請召募訓練土兵

上以團練既經指駁恐無實效公覆奏曰瀕海各省五
方混雜團練鄉兵動踰數千不免恃眾恣肆故辦理爲
難黔省土曠人稀岡嶺叢雜奸宄最易出沒苗俗習於
獷悍又多剽掠故良懦苗苗自相團結以資保衛漢民
謂之齊團苗民謂之估榔州縣因兵役不敷亦每捐貲
添募守卡巡查是雖無土兵之名早有土兵之實此其

爲數不多又皆散布無虞擾累實裨巡防若恐日久視爲具文此則有治人無治法凡事類然未宜因噎廢食也公之持論侃侃無稍阿諛大率如此而其爲政之大類更有犖犖可紀者一在恤民一在恤吏一在育人材一在講武備南昌爲豫章首郡公私繁劇案多委員承審往往玩延不結民受其累公別設自理獄局詳定章程局員以勞敘績公日與諸員會食即席研究情實辨詰疑難諸員欲備諮詢不得不先自詳察公又與之縱談古今放懷暢飲脫遺拘檢使得盡其辭意其時案無留牘民大感悅城外野寺厝柩數千公示限三月遷葬

耐菴文存

卷

傳

本

力不能遷則官爲葬之歷年積殯數月一空山東屬地平糶水鮮歸宿公諭民按地爲溝洫以資灌溉溝旁種樹枝葉茂密由是收穫倍常行旅亦便臨清州馬進忠等既以習教謀逆伏法而臨清營署獲揭帖臚列僞號刻期七月十五稱兵舉事內有進忠餘黨及附近州縣人名氏凡數百人一時驚懼悉欲按竿公曰焉有謀爲不軌而以姓名月日告人者是貽害平民也尋察知進忠案由州人徐化隆舉發邀賞未得化隆死其兄慶隆聞進忠餘黨林老仲潛回欲藉此興獄爲倖功計讞定誅慶隆旁無株累公之赴黔也沿途諮詢知黔民所苦

無如詞訟拖累履任卽以聽訟之勤情爲察吏之權衡弁以清理詞訟查辦匪類約束差役之法逐條申明頒示各屬復慮匪案不報飭將上批自理新舊各案分已結未結按旬開報以便稽核使功過分明瑕瑜莫掩由是而吏勤其職黔中多山少田不產布帛舟楫渺通商貨難致公目擊食黎藍縷衣不蔽體盡然憂之乃刊布蠶桑編木絲譜於楚豫各省購絲子二萬六千一百餘斤通頒各屬使之栽種設局雇匠教之紡織及成綢則勝於遵義之橡繭布則賤於客貨民大德之社倉舊法春借秋還每多逋負公於黔省各州縣添設義倉勸諭

耐菴文存

卷

傳

本

官民捐輸增義穀三萬三千五百餘石改出借爲平糶責成紳士司之穀貴則碾米減價出糴銀存於官而數記於紳穀平糴還穀交自紳而銀發自官互相稽查以杜其弊倡建尙節堂爲房舍百五十二間收卹養孀堂外建義學三所延訓蒙師以教其孤建及幼堂收養無依童弗教之識字習技藝至年十七始令其出時仁懷逆匪謝法真聚眾焚劫就擒伏法公以逆產荒廢奏懇賞入二堂益資養贍公居官泄事未嘗規避處分深獲新吾呂氏私罪不可有公罪不可無之言而於屬吏公過亦肩任之嘗言爲長吏者必恤屬而後可以責屬當

旬宣東省時查明州縣未結舊案交代一百九十六起奏請勒限一年完結遲延處分概予寬免因念山左州縣素稱瘠苦所入本款又病攤捐非量爲變通莫蘇其困乃具奏曰臣於實虧各員從嚴參辦不下數十起各牧令亦豈罔知警戒而究不敢謂此後遂無虧空者則以致虧半由於攤捐況辦公有費贍家有費應酬鄉黨親朋又有費供給過往差使又有費已爲竭蹶不遑而以從前懸缺之項攤之於事後無涉之人揆之事理詎爲平允徒以官項不便無著耳不知攤扣太多不但無補於國計實於吏治民生大有妨礙應請將盤查案內

耐菴文存

卷

傳

九

之二成緩俟曹工三成攤完後再行接攤其攤年捐款由臣酌量刪減而最苦州縣免攤公既調江甯以清查未完奏留月餘是時舊案未結者僅十數起公以清查於前尤不可不預防於後乃申明新案交伏參之例其款目分應領應攤應交應賠使抵款皆歸有著通省倉庫一時頓清東昌泰安兗曹等三十餘州縣舊於衛河水次兌漕時日甚迫米有不足則於水次買補墊兌而旗丁藉例索詐不遂則兌現米不收徑自開船出關州縣無如何公奏言天庾正供所重在米但以乾潔爲準不必以買補爲非今東省關內州縣計開原以至

兌運爲期不及一月以數千至萬餘石之漕剋期收足於旬日間則必所屬糧戶無一玩抗無一疲乏而後可又須於旬日之間將數千以至萬餘石之漕運於數百里之水次則必風雨一無阻滯車輛一無損折而後可揆時度勢實所不能乃必泥於不准買米上兌之例徒供旗丁訛索以苦此數十州縣若更相沿勢必日甚誠不可不思所變計也又以發遣軍流徒犯由府解司遠者解道之例長途疏虞往返耗費請改府屬解州屬解州直隸州解道以免苦累皆奉

耐菴文存

卷

傳

九

恤民如彼恤吏又如此故公所至氓庶懷德而急公僚屬感恩而思奮雖黠猾之吏莫不更革而士林尤囑囑向化也初公居詞垣藉授徒脩脯自給誘掖勸懲十數年中成就百輩視學山西於晉陽書院增益膏火釐正條規不時召入公廨授之餐而課試之按臨所得佳士資送會城肄業試竣復擇其尤擢入京師黔地瘠苦文教未興或連數廳縣無一義塾公謂諸守令自三代以來士失其教惟書院之制會生徒講習爲近於古而崇教化厲人材固有司者之責於是倡廉勸建凡貴陽銅仁安順石阡等府皆安八寨郎岱松桃等廳黃平州皆

定天柱永從義安清平興義晉安等縣皆興立書院義學并上其事於

朝各予獎敘其於省會書院重定條教分上內外三舍隨才造就諸生日所讀書填注簿冊公餘親往試背并摘問要義以爲升黜復下其法於州縣令倣行之貞豐州向無拔貢八寨廳童試向附都勻府取進無定例銅仁府縣松桃廳向附鎮遠石阡向附思南路遠費繁憚於跋涉公奏請增設銅仁石阡考棚貞豐八寨貢額學額黔十奮發興起懽聲雷動巖陬僻壤羣砥於學先是公居惠在籍以鄉閭師資不廣往往失學出貲分設義

耐菴文存

卷

傳

十一

學四所延師課讀美意良法具見文集扶風學舍記中蓋公生平以培養人才扶植學術爲事故汲汲不遺餘力要以成效其於治兵亦然御史花詠春請飭邊疆認真訓練公議覆曰兵必與將一心而後可用平時各將所轄之兵卽令各將自爲召募自爲訓練遇有征調卽令自將以行則責有專屬練之必精恤之必至束之必嚴恩信既能相孚威令自能相攝將必與將一心而後可用傳曰師克在和和非詭隨之謂也節制明則分定分定則執順順則和矣平時果能節制行兵自有紀律韓信之多多益善用此道也有制而後能和也兵必與

兵一心而後可用曹劌論戰全以氣勝心齊則氣盛心散則氣衰以五方糾合之眾而欲其協力同心全在平時整頓聯絡管仲軌里連鄉之法所謂畫戰目相識夜戰聲相聞患難足以相死者用此道也尤須使知全家養養悉出天恩所得錢糧無非民力常與講明激發人孰無良詎不感奮二十三年遵

旨保舉武職奏曰臣間練兵必先擇將大將必有統御之才戰將必有折衝之勇卽下而偏裨亦必才氣實能獨當一面而後可無債事要末有不嫻明紀律與士卒同甘苦克勝將帥之任者紀律一壞何變不生歷稽前

耐菴文存

卷

傳

十一

史將之以貪敗者覆轍相尋則常失之於先才後守謂殺敵致果不必稽其素行耳實則素行既乖豈能服眾卽小有才幹曷且予智自雄動輒誤事是所謂才者非才也雖使詐使食用人不拘成格然貪詐卽果有才亦但可爲人使而不可以使人但可取濟一時而不可恃爲長策必其明階級以修軍政汰虛糧以實軍伍勤訓練以振軍威舉事一出於公故人不致犯否則利令智昏舉錯乖謬雖復按期操演亦何益哉公在黔中召募土兵一千餘名每土兵十名半習火鎗半習刀矛遇有營兵出缺土兵併入挑選歸伍仍募補以符原額奏請

省中糧儲道加兵備道銜所轄貴陽石阡平越仁懷等處營分責令稽查年終結報一次籌款添購軍倉穀千餘石遇穀貴時移營酌借於月餉內次第扣還隨時買補又以地方盜案例應文武會捕而武營往往不能得力通計黔省文武養廉不過八萬而武職廉俸兵餉多至八十萬各營將弁多於文職數倍兵丁多於差役數百倍下游古州鎮遠二鎮之兵不下二萬承平既無徵調卽當責以緝捕追亡逐捕非捷不可格鬪擊刺非勇不能踴險接窩非膽不敢緝捕固征討先資也法當於百名內挑選數名令其專拏盜賊免派雜差擇弁管領

耐菴文存

卷

傳

七

日習拳棒刀矛鎗礮火箭跳澗等技分隸府廳州縣文員并轄計功拔補管領將弁亦與計功不力則過亦同之無事時仍就各營操演不使曠廢如此則兵非增設餉不虛糜公先爲議使人共曉復奏行之當是時公私憂既變將萌軍政廢弛亟思整理以固邊疆會提督某

又
覲極陳公能飭武備未幾

命總督雲貴公蒞滇日申儆營規八條嚴操守講紀律恤兵丁勤訓練勤緝捕和輯民夷嚴禁洋煙勤修軍械通飭滇黔鎮將使察所屬分三等出具考語冀甄察材

品以收實用乃使車未周而左遷之

命下矣初滇中漢回構衅已久道光十九年緬甯雲州順甯連次互鬪結怨益深二十五年四月永昌回馬大等以唱曲以漢民鬪毆漸至糾黨千餘滋擾邨寨經永昌守會營剿退旋復聚集猛庭聚圖攻永昌時城中回民眾多將爲內應人心洶洶九月二日迤西道羅天池遂以計掩殺之公甫以八月二十四日抵任省會距永昌千三百餘里方咨會提軍張必祿就起堵禦又飭迤南道周某馳往督辦而肅清內應報至公據以入告并夾片保敘卽親赴永昌沿途曉諭匪黨解散前後投首

耐菴文存

卷

傳

十三

者百餘猛庭屯聚之眾亦旋撲滅其驍勇之回民張世賢漢民萬林桂等審擬如律讞已定矣二十六年正月回眾復叛公察知按殺內應未別善良回眾得以藉口疏請將保敘諸員撤銷并自請議處復馳赴大理永昌勦辦殲斃首犯賊眾解散在逃之張富率其黨馬效青等繳獻器械詣軍投誠公欲破除漢回畛域爲之奏懇

免罪王芝異者以事充軍順甯當回眾再集猛庭呈告奮勇團練鄉兵頗爲出力公與巡撫陸公建瀛援新疆成例合詞請以功抵罪准其釋回

上諭曰該督辦理果協機宜何至復有蠢動現雖據奏

地方安謐究未能及早籌防甚至以兩省營伍皆其統轄豈竟調遣乏人轉藉一軍犯之力謬妄無能莫此爲甚著降補河南布政使及公自豫藩歸里復奉

聖諭曰李星沅奏遵旨確查原辦回務情形覽奏均悉此次殲擒雲州回務之害病羅天池未能詳慎區別率行掩捕以致回眾寒心有所藉口實屬貽誤大局著卽革職永不敘用賀長齡於羅天池搜殺過多託疾以去并不從嚴參劾止請撤銷議敘又率准張富投誠代請免罪實屬辦理不善著一併革職時公甫抵家患水腫腹腿隆然不任行步日以問學引掖緩進其於升沈得

耐菴文存

卷

傳

十四

失意迫然也公宣力中外垂四十年所至愛民禮士興利除害以儉率正服御係從皆極簡陋河南舊俗新歲宴會彌月不絕公抵藩任戒屬吏曰頻年水旱民不聊生而盛張燕飲耶云筵之費數千百人之費也宴會之風遂以衰息令某某以賞得升階公詰之曰汝虧帑鉅萬而復能納賁何也方擬整刷通省官吏籌補庫款遽以病去中州人士深悼惜之生平取與一準於義陋規多所屏卻其於中朝權貴亦無所傾軼而親戚故舊僚屬振恤無任江藩時糧道名中山者常以缺苦多累爲言公時其乏而周之及其卒後復厚資之俾其妻子

扶輿北還於是所負同鄉秀公者金四千遂焚其券曰聞賀公同寅未久吾滋媿也同母兄弟凡七人長松齡次椿齡壽齡文齡公皆請

賜封爲奉政大夫熙齡出嗣叔父後由翰林院編修掌四川道監察御史柏齡桂齡丁未進士廣東潮陽知縣擢府同知當匱乏時公皆分潤白首依依無間言從祖某遊粵西父子繼歿公備貲歸其櫬泉其眷屬衣食嫁娶咸資之建家廟定宗規置義田倡捐千金爲恤發會然公固囊橐無餘自滇赴豫力卻餽贖而貸金以成行云公儀表豐碩風度端凝性寬厚而虛謙下人好問無

耐菴文存

卷

傳

十五

貴賤無智愚推誠相與片長必繫亦往往受欺詎覺而不悔曰知人固難然如八九失而一二得猶足收一二之用若壹意猜疑則忠信且失之願必自役其心於察察之途乎案宋呂氏童蒙訓言呂正獻既薦常秩後頗悔之以語明道程子明道曰願侍郎甯百受人欺不可使好賢之心少替然則謂公爲過於長厚者亦未嘗衡之古人耳公善飲居詞垣時詩酒豪邁後頗以酒失自規其爲學以導養身心爲主日取先儒嘉言懿行以自淬厲晚尤致力周易時有獨得郵書唐太常鑑反覆論之不爲苟同公餘專習草書效孫虔禮屬棄作札皆用

之無一筆苟所著書今編刻耐庵文集六卷詩集三卷其奏疏創示彙凡數十冊藏於家創示尤多可採如謂屬吏稟牘率以僂語衍飾無裨實用飭令據事直書不用常行格套卽以行草親書不用書手細楷皆足破拘率粉飾陋習而意尤在規其人之能否諳悉事理也所輯書如

皇朝經世文編百二十卷學術治術皆備風行海內孝經輯注勸學纂言望溪先生左傳義法舉要皆刊行黔省所刻書如詩書禮記精義左傳讀本公穀摘鈔本陳女恭諫士直解李立侯制授存愚所重刻如顧氏日知

耐菴文存

卷

傳

十本

錄方氏周官辨皆以黔中僻遠書籍罕至故廣爲刊布以惠來學卒使黔士蒸蒸嚮學風氣丕變聞公課士時選爲上舍者三十有六人復汰其二曰非吾徒也旣而卅四人皆授科第或爲明經其二人者一疾一從賊矣初黔人士服教沐德思因公誕日製錦稱祝屢請不許乃陰圖公像祀之及聞公赴省行哭失聲流徽遺愛沒世不泯公去位十年而黔中寇事起矣嗣子訥令咸豐補行壬子科副榜貢生同知銜候補內閣中書後公十年卒孫克繩克恭

論曰公爲政無赫赫名在當時量吏中間如也至朝士

相與語曰點擲草疏不問可知大氏諫節婦祠乞書院獎耳由斯言推之則其時風尙可知此俗之所以日偷盜之所以日熾也敦詩書崇節義以靖兵刑公信知本哉詎令嘗出公交遊所貽簡札數冊公自署曰師友誨言而不佞往所削牘亦與焉又嘗以公韻語中部分微消爲易之過半公無忤色曰吾久不檢韻書也其虛懷服善無人已畛域可概見矣平生所見巨人長德能去驕矜者以公爲最於戲眞古人哉

耐菴文存

卷

傳

十本

皇清誥授榮祿大夫前兵部尚書兼都察院右都御史
雲貴總督綱庚賀公墓誌銘

公姓賀氏諱長齡字耦庚號西涯晚自號耐菴湖南善
化縣人也舊籍會稽其高祖上遷今屬湖南司獄卹四
有隱德貧未能歸居會垣爲善化人世世以仁厚傳家
迨君爲雲貴總督曾祖士英祖國華考啟曾皆

贈榮祿大夫曾祖妣馮氏祖妣陳氏妣嚴氏皆

贈一品夫人君英姿動人而志高言下見善如不及勇

於任事自秀才至詞翰常以文章爲羣黨雄而自視恆

闕如也初放廣西考官繼簡山西學政稱得士之盛云

耐菴

墓誌

一

今

上登極大簡賢能君以春坊贊善出守南昌以察吏助
天府指臂信誠舒民間疾苦深得士心二年七月擢
充沂曹濟道四年閏月擢江蘇按察使五年四月陞江
蘇布政使時以清口塞議海運協揆英和連疏其利而
外間以事涉創始慎之不取決君主之海運乃行六年
十二月調山東布政使時庫項驟轉君立清查局或追
或補數月頓清旋護巡撫條奏甚夥七年九月滿江寧
布政使十年十月請假省親丁母憂服闋因病請假十
五年四月奉

召入都授福建布政使十六年正月授貴州巡撫閱九

年而陞雲貴總督君之惠政在貴州者雖屢冊不能罄

而其待士也尤加意焉養之教之奮而鼓之循而導之

優游而涵育之擴充其所已能輔翼其所未逮父之於

子師之於弟不是過也凡書院義學在省垣者暇則往

焉或背書或摘繅經義樂此不倦固其所好抑亦愛士

之心深也他若迪官方澤茶庶緝盜賊懲胥吏贍倉儲

練營伍收卹孤嫠存養嬰幼開通溝洫布種桑棉亦皆

義肅仁安法明恩備君好與人詰辨相知與不相知但

可與言見則發端啟問逐層推詰窮其原又竭其委叩

耐菴

墓誌

二

其中又討其邊愈攻愈進應者傾囊倒篋不足以給之
而君方鯁鯁然未已也蓋其聽言也順而易受其取言
也廣而能蓄一人作如此言然之一人作如彼言亦然
之惟其善而已無彼此也其讀書也亦若是君無日不
讀書亦無書不讀未聞者記之數聞而互異者亦記之
一篇若是易千百篇亦若是是以胸懷磊落得於古者
足得於今者多事來亦以其所得者應之而已然而千
得之中未嘗無一失也而心之光明則可以告於天下
之總督任適永昌回變督兵剿辦亦即解散次年邊孽
復行聚搶以是左遷河南布政使腿疾告歸旋以前案

耐菴

墓誌

三

耐菴公諱穆字子名善慶公女五長適河南固始縣前任山西巡撫吳公諱其溶長子蔭生元禧徐氏出次殤鄭氏出次殤韓氏出次殤陳氏出次幼妾陳氏出孫女一君才高望重交遊徧天下而於同邑唐鑑最親且信葬有日其孤走書請銘不敢辭銘曰

梧桐兮高岡鳳凰鳴兮邦家之光菴竹兮淇澳圭璧結兮君子之獨君子之獨兮至隱實大兮聲揚而聞遠名乎其實兮仕乎其學仁愛其心兮經緯其腹先民而勞兮先士而覺不顯其恩兮雨甘林綠不大其威兮風柔草肅嶽嶺兮黔之陽迢遞兮阻且長思君之去兮徒倚

耐菴

墓誌

四

而伊復耐君之來兮獲藻而羔羊惟此遺愛兮百世香
誥授通奉大夫太常寺正卿前江寧布政使貴州按察使江安督糧道廣西平樂府知府浙江道監察御史翰林院檢討年姻愚弟肥城唐鑑拜撰

耐菴文存目錄

卷一

論

陶孝女刲股療母論

說

格物說

常惺惺說

耐煩勞說

名子說

讀劉子

耐菴文存 目錄

議

黔省下游各營專設捕盜兵丁議

記

重修貴陽府學文廟記

重建西昌書院記

及幼堂記

任薌圃觀察重刻棉花圖記

扶風學舍記

傳

奉政大夫前資陽縣知縣王君家傳

節孝張舒氏傳

卷二

序

貴州丁酉科武闈鄉試錄序

貴州己亥科武闈鄉試錄序

貴州庚子 恩科武闈鄉試錄序

貴州癸卯科武闈鄉試錄序

遵義府志序

思南府續志序

清平縣志序

耐菴文存 目錄

玉屏縣志序

孝經輯注序

重刻禮記精義彙鈔序

重刻望溪先生左傳義法舉要序

重刻望溪先生家訓序

重刻四書說約序

重刻課士直解序

重刻淞唳序

五官職掌論序

真西山讀書記節鈔序

金石索序

求可堂兩世遺書序

宮傳誠村楊侯自編年譜序

鄭夢白中丞畫引紀事序

涪陵周氏重修族譜序

梁茝鄰前輩退菴隨筆序

尙節堂圖序

鍾山書院課藝序

卷三

序

耐菴文存 申錄

三

吳仲昀詩序

李徵生詩序

逸老堂宗譜序

送唐敬楷之江南序

尙節堂勸捐序

恤養會勸捐序

周太母七十壽序

卷四

書後

桂林陳文恭公德配楊夫人課孫圖書後

耐菴文存

芸館集仙圖書後

花瑞圖記書後

吳荷屋中丞筠清消夏第四圖書後

歙縣鮑氏慈孝圖書後

雙節傳書後

李烈女節略書後

嘉善徐君神道碑銘書後

題跋

題但太史子駿歸省圖

題周小湖太守山館評梅圖

耐菴文存 申錄

四

題周漁璜宮詹桐塾書屋圖遺照

紀略

兩淮都轉平羅俞君言行紀略

節婦周呂氏紀略

卷五

墓誌銘

前湖北光化縣知縣蔣君墓誌銘

黃母李恭人墓誌銘

韓母婁恭人墓誌銘

前陝西按察使樂園嚴公元配張夫人墓誌銘

墓表

前工部都水司郎中李漪園先生墓表

先考通奉府君墓表

卷六

書簡

上穆鶴舫大司空書

上英樹琴相國書

上英樹琴相國書

上王定九大農書

上王定九大農書

耐菴文存 目錄

五

上王定九大農書

復王定九大農書

復王定九大農書

上蔣礪堂節相書

上蔣礪堂節相書

上蔣礪堂節相書

復蔣礪堂節相書

致邱南屏少寇書

復董琴涵同年書

復陳偉堂同年書

復林少穆書

復唐鏡海同年書

復唐鏡海同年論易第三書

與黃惺齋年兄書

與黃惺齋年兄書

與黃惺齋年兄書

與黃惺齋年兄書

與黃惺齋年兄書

與黃惺齋年兄書

與黃惺齋年兄書

耐菴文存 目錄

六

與黃惺齋年兄書

與黃惺齋年兄書

復魏制府詢海運書

祭文

祈雨文

祈雨文

姪孫彬煌校字

孫克 重刊

耐菴文存卷一

善化賀長齡耦庚著

論

陶孝女刲股療母論

古無刲股之事始一見於魏書張密及唐陳藏器本草有以人肉治癩病之說於是刲股療親之事遂不絕於天下夫療親復何可議而謂刲股可以療之則其說非也意其時必有純孝之人遇其親疾瀕危醫治百不效至於智盡慮窮無可奈何乃由至性迫爲奇想以冀倖於萬有一然之天而天亦遂憐而甦之是其所以甦者耐菴文存 卷一 論

刲股之心而非刲股之能甦也藏器不察其心而但據其蹟直以爲人肉可療疾耳而豈理也哉然自有此說後之人踵而行之往往而效者何也則亦惟其心而已而艱難激發宛轉成就而顯揚之者即天亦若有深意存焉嗚呼如陶孝女之刲股以療其母其時才十有三齡耳母之病也其父若姊皆在初不責其何以救療於十有三齡弱女也而孝女乃獨引爲己憂至一再割其膚而不少畏縮此其孝思肫懇卽一發念時宜若早邀冥冥者之鑒閱矣乃必待一再割而始霍然也豈天亦故爲是紆迴使得以極其誠孝之心之所至歟精誠不

極則昭格不神發洩不奇則觀感不聳叔季人性澆漓天真汨沒骨肉之親有路人視之而不自知其非者矣此如沈痾痼疾已入膏肓梁肉參苓不能起也非有艱苦卓絕之行以震耀其耳目而動盪其精神則亦何以砥柱中流迴狂瀾於既倒也哉而或者猶以爲過而未概於中道夫孝如曾子而子輿氏僅許其可說者以爲溪得孝子之心子之於親則亦安有所謂過焉者先儒有言以李固杜喬自期猶不免爲胡廣趙戒嗚呼人亦勉其所不及而可哉

耐菴文存

卷一

論

二